



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 5. Vtrum electio sit tantum possumilium.

[urn:nbn:de:hbz:466:1-72898](#)

ARTICVLVS IV.

*Vtrum electio sit tantum eorum,
qua per nos aguntur?*

Affirmatur.

Conclusio est; Tantum eligimus ea quæ per nos agenda sunt. Vbi illud tantum, excludit solum ea quæ nullo modo à nobis pendent, vt fiant vel non fiant.

Probatur Primo, Ex definitione electionis, quam habet Arist. 3. Ethic. c. 3. *Electio est appetitus consultius eorum, que in nostra sunt potestate.* Secundo, Quicumque eligit rem aliquam, eligit illam, vel possidere, vel percipere sensu aut intellectu, vel applicare ad usum, vel agere vel pati. Ergo eligit aliquam suam operationem, vel quasi operationem: possessio enim est quasi operatio. Tertio, *Quia nullam rem externam eligimus, nisi quatenus subiecta est nostræ operationi; nobisque per operationem coniungitur.*

Obiectum integrum electionis:

Vbi aduerte, et si res externæ non cadant sub electionem, nisi quatenus nobis mediante operatione coniunguntur; tamen electionem immideat versari non solum circa nostras operations, sed etiam circa res ipsas, qua sunt operationum obiecta. Sicut dictum est de delectatione & gaudio. Obiectum enim integrum electionis constat re externa & nostra operatione; vt patet exemplis allatis in secunda ratione. Vnde non solum operatio dicitur eligi, sed etiam res circa quam operatio versatur; eligimus enim hanc veritem, hunc librum, &c.

ARTICVLVS V.

*Vtrum electio sit tantum pos-
sibilium?*

Affirmatur.

Concl. Tantum eligimus ea quæ putamus possibilia nobis.

Probatur Primo, Ex art. præcedenti. Cum enim electio sit tantum eorum quæ in nostra sunt potestate, necesse est, vt tantum sit possibilium.

Probatur Secundò, à priori; quia nihil potest eligi, nisi quod putatur vtile ad finem obtainendum: nam tota ratio electionis est utilitas medij ad finem: atqui id quod est factu impossibile non potest esse vtile ad finem obtainendum; ergo. Hinc fit, vt, quando in consultatione deuenimus ad aliquod medium necessarium quod iudicamus impossibile, cessemus à prosecutione illius finis, quem intendebamus.

DVB. circa resp. ad Primum.

*Vtrum quis possit si non eligere, saltem appete-
re id, quod nouit esse impossibile?*

Caietanus.

Caetanus 1. p.q. 63. art. 3. agens de peccato Angelorum, distinguit duplex impossibile, per se, & per aliud, scu ex suppositione: & docet id quod solum per accidens est impossibile, posse se cùdum se & directè esse voluti: v.g. Possum velle Aliud est impossibile per se, aliud per accidēt. vt nūquam peccauerim, vt parens non sit mor- tuus; quæ per se quidem possibilia sunt, cùdum nul-

lam repugnantiam includant; tamē ex suppositione, quæ supponitur quod peccauerim, quod parens mortuus sit, sunt impossibilia. Nam impossibile est vt non peccasse conueniat subiecto, in quo iam supponitur peccatum (hæc enim nullo modo eidem simul conuenire queunt;) aut vt nona esse mortuum conueniat ei, in quo iam mors supponitur.

Ratio, cur talia velle possumus, est, quia possunt secundum se nudè considerari abique huiusmodi suppositione, quomodo considerata sunt possibilia. Qui enim peccavit, potest se considerare nudè sine peccato, quatenus est homo, & sic non repugnat ei non peccasse. Itaque potest illud hoc modo appetere. Id verò quod per se & naturā suā est impossibile, dicit non posse per se appeti, quia non potest apprehendī vt possibile, ac proinde neque vt bonum. Concedit tamen posse appeti per accidens, scilicet quatenus coniunctum est alicui, quod per se sit expetendū. Hoc modo damnatos appetere Deum non esse, quia hoc necessarium est, vt liberentur à miserijs, quæ liberatio est per se expetenda.

Respondeo & Dico Primo, Neutrum genus impossibilium posse appeti volitione efficaci. Est *Impossibili-
communis sententia Doctorum.* Intellige, si co-
gnoscatur esse impossibile; nam de tali est qua-
stionis. Constat enim si putetur esse possibile, posse si.
efficaciter appeti. Efficacem volitionem voco
eam, quā quis vult rem volitam adipisci, siue quæ
mouet ad executionem.

Ratio huius Conclusionis est, quia conari vt fiat id, quod est impossibile, non potest vlo modo apprehendī vt conueniens; ergo non potest appeti. Consequens patet, *Quia nihil potest appeti, nisi sub ratione conuenientis.* Antecedens probatur, quia laborare vt fiat id, quod est impossibile, non est per se conueniens, sicut bonum honestum, & delectabile; neq; est conueniens propter aliud, vt bonum vtile; nam conatus ad impossibile nullam vtilitatem habet.

Dico Secundò, vtrumque genus impossibili-
lum posse secundum se & directè appeti volitio-
ne inefficaci, quæ explicetur per verbum vel-
lem, oportet. 10

Probatur Primo, Hæc est sententia Arist. 3. *Aristoteles.* Ethic. c. 2. cùm ait, voluntatem esse impossibile, vt immortalitatis; electionem autem non nisi possibilium. vbi Aristoteles loquitur de eo quod putabat per se esse impossibile; non enim existimat hominem, cum ab intrinseco sit mortal is, posse effici immortalē, aut posse sibi pugnam elementorū, quibus conflat, quod erat necessarium ad immortalitatem. Idem iisdem verbis docet Nemodus c. 33. de homine, & Damasc. I. 2. de fide. c. 22. Idem sentit D. Thomas hic ad 1. & Scotus in 2. d. 6. q. 1. & Gab. eadem d. a. 3.

Secundò, Probatur exemplis.

Quia pœnitens cupit & optat non peccasse: Paret ex-
empli.
quod tamen scit nunc esse impossibile.

Homines interdū optant esse Angeli, et si scient id fieri nunlatenus posse.

Quidam impij optant Deum non esse, idque ex-
presa & directè. Nec refert quod id non optent, nisi propter aliquid coniunctum; scilicet vt libe-
rius possint peccare, vel vt nō puniantur: id enim
ex eo prouenit, quod non esse Dei non sit per se
expetendum, *cum nihil in se boni habeat: sed
sufficit*

Peccatum primi An- sufficit ut id cupiant volitione directa. Simil modo iuxta Scotum, Gabrielem, & multos Do geli, iuxta Etates, peccatum primi Angeli fuit, quod appé scotum. ticerit esse aequalis Deo secundum substantiam: quæ sententia non est impossibilis, inquit est valde probabilis, si loquuntur non de primo peccato, sed de aliquo ex sequentibus post primum.

Quomodo impossi bili- lia possint appeti. Tertio, Voluntas potest appetere non solum id, quod absolute subiecto est conueniens, sed etiam quod ei est conueniens secundum aliquam partem, id est, gradum naturæ vel conditionem (potest enim appetere quod est subiecto conueniens secundum corpus, et si non sit conueniens secundum animam; & quod est conueniens secundum gradum naturæ vegetantis, et si non sit conueniens secundum gradum naturæ sentientis:) sed id quod est absolute impossibile subiecto, potest ei esse conueniens secundum aliquem gradum, & non habere repugnantiam secundum illum gradum: v. g. esse Angelum, esse Deum, est conueniens homini, secundum gradum substantiae, & nullam secundum illum gradum habet repugnantiam. Ergo voluntas poterit illud appetere.

Soluntur obiec- tiones. Obijicitur Primo, id quod scitur absolute esse impossibile, non potest iudicari esse bonum: ergo non potest appeti. Conseq. patet, quia nihil potest appeti nisi sub ratione boni. Antecedens probatur, quia quod scitur esse impossibile, non potest iudicari existere actu vel potestate; ac proinde non potest iudicari esse ens: ergo neque bonum: nam ratio boni supponit rationem entis. Ita Caietanus:

Respondeo primo, si hæc ratio aliquam vim habet, etiam vim habet contra Caietanum. Nam ipse concedit, impossibile appeti propter aliquid ei coniunctum; vt non esse Dei, propter liberationem à miseria: necesse ergo est fateatur non esse Dei iudicari vel apprehendere esse bonum ratione illius coniuncti. Quomodo autem id fieri potest, cum sit prorsus impossibile?

Respondeo Secundo, vt aliquid possum appetere, non est necesse vt iudicem illud mihi secundum naturam particularem quam habeo, esse bonum vel conueniens, sed sufficit vt iudicem illud esse bonum in se, vt Scotus & Gabr. docent: v. g. quod bonum sit esse Deum, esse Angelum. Vel certè, esse bonum mihi considerato præcisè secundum rationem substantiae vel entis, seclusus omnibus alijs rationibus repugnantibus. Cuius enim individuo entis infra Angelum, quatenus ens est, nihilque includit naturæ Angelicæ repugnans, melius est esse Angelum, quam esse id quod iam est; & cuius individuo entis infra Deum, melius est esse Deum, quam esse id quod nunc est.

A simili de intel- lectu. Ratio est, quia sicut intellectus potest confi derare & apprehendere subiectum secundum rationem præcisè, ita voluntas potest aliquid ei secundum hanc rationem appetere. Sicut enim intellectus extendit se ad omne verum: & sub quavis præcisione rationis formalis, secundum quam est verum. Ita voluntas se extendit ad omne bonum & conueniens sub quavis præcisione, secundum quam est conueniens.

In modo suffici- complex ap- prehen- sio ab- que ex- presso iudi- cione. Neque est necessarium, vt iudiciis expressis iudicem esse conueniens vel possibile; sufficit vt simplici apprehensione apprehendam, v. g. esse

Deum, esse Angelum, tamquam mihi conueniens secundum rationem entis, & vt non repugnans secundum hanc rationem absque aliquo formali iudicio. Nam apprehensio sufficit ad actum complacentia:

Hinc patet, quomodo possit appeti id quod contradiccionem implicat. Non enim est necesse iudicetur esse possibile; sed sufficit vt possit apprehendi, tamquam non repugnans secundum illam rationem, etiamsi secundum alias rationes fit repugnantia. Exempli gratia. Quando diabolus optat esse Deus, non optat esse Angelus simul & Deus, Angelus & non Angelus, creatura & non creatura; sed optat tantum alterum extremum contradictionis, naturam scilicet & qualitatem diuinam, qua est maximè appetibilis, & maximè ipsi conueniens considerato sub ratione entis: quamvis secundum rationem creature vel Angelii non sit conueniens.

Obijicitur Secundo, Nemo potest appetere id ex quo nihil commodi acciperet, etiamsi fieret quod cupid: sed si Angelus fieret Deus per essentiam, ipse nihil inde commodi reportaret; nam ipse desineret esse; & sic non ipse esset Deus, sed alius: ergo non potest illud appetere.

Confirmatur, Quia nemo potest appetere sui interitum, vt inquit Ansel. I. de casu Diaboli c. 4. præsertim vt aliquid boni positui consequatur.

Respondeo Negando maiorem si intelligatur de perceptione commodi in sua persona; quia si possimus quædam appetere, quæ alijs sunt commoda, etiamsi nos inde nihil in persona nostra recipiamus (patet in amore parentum erga filios, & amicorum erga amicos;) multò magis poterit aliquis appetere, quod sibi esset commodum in natura aliena, in quam conuerteretur. Vnde etiamsi Angelus nihil in natura Angelicæ commodi perciperet, si votum ipsius quo Deus fieri desideraret, impleretur; tamen perciperet in natura diuinâ, in quam conuerteretur. Nec refert quod non ipse, sed alius perciperet; quia secundum estimationem moralem, ipse censeretur percipere; idque multò magis quam parentes mortui censemur in filijs vivere, & esse beati.

Ad Confirm. Etsi prudenti iudicio nemo possit appetere non esse, vt alicuius boni positui compos fiat; tamen absolute potest. Nam si damnati appetant non esse quod sunt, vt careant missa; cur non possit quis appetere non esse quod est, vt vertatur in naturam præstantiore? Nec obstat quod D. Thos. I. p. q. 63. ar. 3. esset, Angelum non potuisse appetere similitudinem Dei per æqualitatem; quia loquitur de appetitu efficaci. Vnde non sequitur, quin potuerit illam appetere appetitu inefficaci.

ARTICVLVS VI.

Vtrum homo eligat ex necessitate, an liberè.

C Onclusio est, hominem eligere non ex necessitate, sed liberè. Ratio est, tum quia in potestate est eligere & non eligere; tum quia in potestate eius est eligere hoc vel illud.

Vbi notandum Primo, D. Thos. priore modo significare electionem esse liberâ secundum exercitium, posteriori modo secundum speciem.

Notandum